

CONSTITUTION OF THE KILI/BIKINI/EJIT LOCAL GOVERNMENT

PART I. - PRELIMINARY

SECTION 1. Etan Local Government eo

Etan local government eo ej Kili/Bikini/Ejit Local Government (Jen kiō im wōnmaanlok einwōt juōn "local government").

SECTION 2. Ijoko Local Government eo ej Eddoiki

Ijo local government in ewōr an maroñ ie ej ilo Kili/Bikini/Ejit, im ekkar ñan Article IX, Section 1(2) im 1(3) in Jemen E eo an Marshall Islands, maroñ in an Kili/Bikini/Ejit enaj tōbtōb metolok ilowan malo eo ilo Bikini Atoll bareinwōt metolok ilo meto im bedbed eo ej jebole jen ioon eppe kōn tarrin in 5 miles.

SECTION 3. Capitol

Ijo office eo elap an local government eo enaj bed ej ilo Town Hall eo ilo Majuro, Kili ak ijōko jet local government in ewōr an maroñ ie ilo Marshall Islands council eo maroñ jokelet kōn resolution.

PART II. - BUKŌN KO (WARDS)

SECTION 4. Lajarak in bukōn ko ilo Local Government eo

1. Ekkar ñan Section 19 in Local Government Acto eo an 1980, local government in ej ajej ilo lajarak in bukōn kein, einwōt an kōmleleik ilo Section 2, kajojo naj kelet member in council ro aer ikijieen etan bukōn ko:

a. Kili Island - 9 members

b. Eneu Island- 3 members

c. Ejit Island- 3 members

2. Elañe ejmour enaj bōbrae an armij jukjuk im amnak ilo Eneu Island, Bikini Atoll, innem member ro jen Kili renaj lōñlok jen 9 ñan 12.

PART III. - RAAN KŌMMAN KAKIEN EO

SECTION 5. Ejaak in juōn Ra in kōmman Kien

Juōn ra in kōmman kien, eo naj kōmlet Kili/Bikini/Ejit Council, ej kiō ejaak einwōt

juõn local government, im ekkar ñan Section 13(1) in Local Government Act eo an 1980, ej ilok maroñ eo ñan kōmman ordinance, kōllā owōj, im wōr an maroñ ilo karōk im kōjemoj ko an local government einwōt kōmlet iumin Article IX, Section 2 in Jemen E eo an Marshall Islands.

SECTION 6. Ro uwan Council im Ekelel

1. Council eo enaj ejak kōn 19 uwan, ro im rej –
 - a. ro kar kelet er jen bukōn ko, einwōt kōmlet ilo Section 4;
 - b. jilu Alap jen bwij ko jilu [Ijidik, Makoulej, Ri-Namo]; im
 - c. Mayor eo.
2. Members ro einwōt kōmlet ilo Subsection (1)(a) naj kelet ir kōn ballot jen ro ewōr aer maroñ in vote, einwōt an kalikar ilo Section 13 im 23 in Local Government Act 1980.
3. Ekelel eo imaantata ñan members ro einwōt an kalikar ilo Subsection (1)(a) naj bōk kitien ilo juõn raan eo, ebaak im ekkar tata, ñan raan eo Jemen E in enaj bōk jikin, elikin raan eo ebaak im ekkar tata ñan raan in ekelel eo elap (general election), eo karōkin Chief Electoral Officer eo.

SECTION 7. Maroñ ko ñan jibadōk jea

Maroñ ko ñan jibadōk jea ko einwōt an kōmlet ilo Section 6(1)(a) bwe kajojo rijibadōk rej aikuj bwe ren register voter in Kili/Bikini/Ejit.

SECTION 8. Aetok in kitien juõn term ilo office

1. term ilo office einwōt kōmlet ilo Section 6(1)(a) ej 4 iiō;
2. ej ijino ilo raan eo elikin wōt raan eo ej walok ennan ikijieen ekelel eo an; im
3. jōmlok (elañe ejjab mōkajlok an bellok jea in einwōt kalikar ilo Section 9) ilo raan eo mokta wot jen general election ñan jea eo an.

SECTION 9. Elañe ejelok kobban jea ko

1. Jea ko an member in Council eo enaj bellok elañe, im elañe wōt:
 - a. jea eo an enaj jōmlok ekkar ñan Section 8;

- b. jimwe im maroñ ko an ñan ekelel renaj bōjrak einwōt an alikar iumin Section 7, ak jimwe ko kar ibben ilo kar iien ekelel eo;
 - c. enaj mij;
 - d. enaj kamōje jen jea eo an ilo an bed ilo jeje ñan local government eo; ak
 - e. enaj emakit jen jea eo an einwōt kōmlet ilo Subsection (2)
2. Council eo emaroñ, kōn 2/3 in member in aolepen council eo kōmakit juōn member jen office kōn wūn ko.

SECTION 10. Jea ko ejelok kobbaer kōn wūn ko jet

Elañe juōn jea an member in council eo einwōt kōmlet ilo Section 6(1)(a) enaj bellok im ejjab kōn an jemlok term in jermal eo ekkar ñan Section 8, innem jea in eblok naj aikuj kanne ilo iien eo emōkaj im ekkar kōn candidate eo tok ilal im car lōñtata an votes (ilo lajarak in candidate ro raar luuj) ilo kar General Election eo jen bukon ak ward eo jea in ebellok ie, weween in emaroñ kōmman elañe candidate in ej maroñ wōt bōk jea in ekkar ñan Section 7.

SECTION 11. Kwelok ko

- 1. Kwelok ko an Council renaj kōmman iettata juōn allen ilo juōn allōñ ilo calendar iiō ko, ilo raan eo, im ilo awa eo naj karōk jen Council kōn resolution, ak ilo karōk ko an Mayor eo ilo an karōk ekkar ñan lajarak in jermal ko an Council.
- 2. Ilo iien eo ekkar elikin an dedelok an Chief Electoral Office eo kakwōn tōbrak in general election eo, Council eo, kōn kōjellā ñan aolep members ro enaj kūr ñan juōn an Council kwelok.
- 3. Mayor eo ilo jabdewōt iien, im emaroñ ilo iien eo ekkar elikin an lo juōn petition jen nañin aolepen member in Council eo ikijieen jermal ko raorōk raikuj dedelok, innem enaj kūr juōn an Council kwelok ilo jeje ekkar ñan karōkan kakien ak jermal ko an Council.
- 4. Naj maroñ kūr special meeting (kwelok ko reidiñ) kōn wūn ko raorōk.
- 5. Kwelok ko an council eo renaj bellok ñan armij.
- 6. Aikuj bwe en lōñlok jen jimettan in uwan Council bwe en maroñ kōmman

kwelok ko an council.

7. Mayor eo enaj töl aolep kwelok ko an Council eo im enaj bed ie, ilo an loor Section 18 in Kakien in lajarak in jermal ko an Council, elañe enaj jako, ak elañe enaj bellok jea in, innem juön member eo kelet in members ro enaj wonmaanlok wöt im töl kwelok ko.

8. Elañe ejjab, ekwe einwöt an kwalok ilo Local Government Act 1980, aolep kajitok ko rej itok imaan kwelok ko an Council naj kōmmane ekkar ñan votes ko an nañin aolepen member ro rej bed ñan vote, bōtap ejelok kajitōk eo enaj errā kake elañe enaj jōbo vote ko.

SECTION 12. Weween kwelok ko

1. Council eo enaj kōjbarok juön journal ak minute in kwelok ko kajojo.
2. Council eo enaj kōmmane jet kakien in karōken kwelok ko, ko im rej jab aikuj idabitōk ibben Jemen E in, Kakien ko an Kien eo iolep ak jabdewöt local government ordinance ko, Council eo emaroñ karōk karōkan kwelok ko an.
3. Ekkar ñan Jemen E in, jabdrewöt Kakien ko an national government eo, ak jabdrewot ordinance ko an local government, Council eo emaron komman an make karōken jermal.

SECTION 13. Committees ko

Council eo emaroñ ejaak an standing committees ko ñan lorlorjake jermal ko remaroñ kōn lömnak ko rekkar im enaj bidodo lok ñan an committee ko jembali.

PART IV. - JEBAN KO AN LOCAL GOVERNMENT EO

SECTION 14. Office eo an Jeban eo an Local Government eo

Juön office eo an jeban eo an local government eo, eo naj nae etan Mayor, enaj ejak ñan local government eo.

SECTION 15. Maroñ ko ñan jibadōk jea in

Mayor eo ej aikuj bwe en registered ri vote ñan Kili/Bikini/Ejit eo im aikuj bwe en 25 an iiō.

SECTION 16. Ekelel

1. Mayor eo ej aikuj bwe en kelet kōn ballot jen ro im rej registered ri vote jen Kili/Bikini/Ejit einwōt kemlet ilo Section 13 im 23 in Local Government Act 1980.

2. Ekelel eo ñan Mayor enaj bar kōmman ibben general election eo ñan council members ro einwōt kōmlet ilo Section 6(3).

3. Elañe office eo an Mayor enaj bellok ijelokin wōt an bellok einwōt kōmlet ilo Subsection (4), naj kanne bellok in ilo tōre eo wōt emōkaj im ekkar ilo an Council eo kelet juōn jen ro uwan Council eo, eo emaroñ im ekkar ñan Mayor einwōt kōmlet ilo Section 15. Enaj jōmlok kitien jea in an Mayor in kelete ilo jōmlok in term eo an Mayor eo ej bōk jikin.

4. Kitien term eo an office eo an Mayor enaj 4 iiō eo im enaj ijino ilo tōre eo naj kōjelā kake tōbrak in ekelel eo an, im naj jōmlok ilo tōre eo ededelok kelet eo enaj bōk jikin ak renaj kōjelā kake ijitōñ eo an.

SECTION 17. Ejelok kobban Office eo

1. Office eo an Mayor enaj bellok elañe im elañe wōt:

- a. term eo an enaj jōmlok ekkar ñan Section 16(4);
- b. enaj jako maroñ in ettōr eo an ilo ekelel einwōt kōmlet iumin Section 5;
- c. enaj mij;
- d. enaj kamōje jen office ilo jeje ñan local government eo; ak
- e. enaj jako kōn vote in jelke jen enjab iietlok jen 2/3 in aolepen member ro an Council.

2. Council emaroñ, kōn vote in jelke eo enjab iietlok jen 2/3 in aolepen member eo an council, kajijetlok Mayor ej jen office.

SECTION 18. Acting ñan jeban eo an Local Government

1. Ilo iien ko Mayor eo enaj jako jen office eo an, ak jab maroñ kommani jermal ko an, emaroñ jitōñ juōn uwan Executive Committee ñan lorlorjaki, elañe ejjab ekwe Executive Committee eo enaj lorlorjaki.

2. Ilo wūn in ñan lorlorjake jabdewōt jermal ko an Mayor eo, eo kar kōmelim in

uwan Executive Committee eo einwõt kōmlet ilo Subsection (1), member in naj kilā einwõt Mayor eo, im aolep kōmelele ko ilo jabdewõt kien ak ilo lajarak in jermal ko an Council eo ñan Mayor eo renaj bareinwõt kōmlet im jermal ñan member eo emōj jitōñe.

SECTION 19. Jermal ko an Jeban eo an Local government eo

Mayor eo ewor maroñ ko ibben, eddo im jermal ko likit ioon aeran jen Jemen E in, kakien ko an national government eo, im jabdewõt local government ordinance, ak lajarak in jermal ko an local government eo.

PART V. - EXECUTIVE EO

SECTION 20. Ejaak in Executive eo

1. Uwan executive committee eo an local government, eo kilā einwõt Executive Committee eo an Kili/Bikini/Ejit Council, ej ejaak, im naj, ekkar ñan Section 14(1) in Local Government Act 1980, naj raan executive eo elap an local government eo.

2. Executive Committee eo, rej jimor uwak lok ñan Council eo kōn ijōko rej executive ie ilo local government bareinwõt jermal ko an Executive Committee eo im members in Executive Committee eo iumin Jemen E in, jabdewõt kien ko an national government eo, ak jabdewõt local government ordinance ko.

SECTION 21. Ejakin Executive Committee eo

1. Executive Committee eo naj ejakin:

- a. Mayor eo; im
- b. Jiljino uwan Council eo im ijitōñin Mayor eo ilo jeje, ro renaj kile e einwõt Executive Members.

2. Aikuj bwe en jilu uan Executive bwe en maron Quorum kwelok ko an Executive Committee.

SECTION 22. Jolok Member in Executive eo

Mayor eo ilo jabdewõt iien, kōn wūn ko, emaroñ jolok member in Executive Member eo jen office eo an Executive Committee eo.

SECTION 23. Ijitōñ Acting

Ilo tōre eo enaj jako juōn Executive Member ak ejjab maroñ kōmmane jermal ko an, Mayor eo emaroñ:

1. jitōñ bar juōn Executive Member bwe en kōmmane jet ak aolepen jermal ko an; ak
2. jitōñ juōn uwan Council eo bwe en jermal einwōt juōn Executive Member, ak kein jimor, ilo iien eo ej jako ak ejjab maroñ kōmmani jermal ko an.

SECTION 24. Rebeltan kōjeikik jermal im eddo ko ñan uwan Executive eo

1. Ekkar ñan Jemen E in, jabdewōt local government ordinances ko, bareinwōt kakien ko an national government eo, jen iien ñan iien Mayor eo emaroñ kōjeikiki eddo kein ñan 6 ro uwan Executive eo ilowan Executive Committee eo (ekoba jermal ko ñan eddoiki local government ordinances ko).

2. Mayor eo ej an eddo jabdewōt jermal ko im rejañin kōjeikiki iumin Subsection (1)

3. Ejelok jabdewōt iumin section in enaj jelet koban jermal ko an aolep Executive Committee iumin Section 20(2).

SECTION 25. Jermal ko an Executive Committee eo

Executive Committee eo ewōr an maroñ, jermal, makitkit, im eddo ko likit ioon aeran einwōt kōmlet im kōmaroñ iumin Jemen E in, jabdewōt kakien ko an national government eo, ak local government ordinance ko.

SECTION 26. Kabilōk ko ñan Council, im weween jermal ko jet

1. Mayor eo enaj kōnnanik ilo iien eo emōkaj Council eo im Minister eo an Internal Affairs kōn:

- a. ijitōñ eo, jako, ak register ñan juōn uwan Executive Committee eo;
- b. ijitōñ eo, ak jōmlok in kitien kar ijitōñ eo an juōn Council eo ar jermal einwōt juōn acting ñan juōn Executive Member ekkar ñan Section 23(2);
- c. ijitōñ eo jen Mayor eo ñan juōn uwan Executive Committee bwe en kōmmane jermal ko an Mayor eo ekkar ñan Section 18(1); im

- d. kōjeikikin jermal ko ekkar ñan Section 24(1) ñan Executive Members bareinwõt ijitōñ ko iumin Section 23(1) bwe juōn Executive en lorlorjaki jermal ko an bar juōn uwan Executive.
2. Executive Committee eo enaj kōnanik ilo iien eo emōkaj Council eo im Minister eo an Internal Affairs ijitōñ eo aer, ak juōn uwan Executive Committee eo bwe en kōmmane jermal ko an Mayor eo ekkar ñan Section 18(1).
3. Clerk eo an local government eo enaj ilo iien eo emōkaj kōnnaniklok Council eo im Minister eo an Internal Affairs clañe Mayor eo enaj kamōje iumin Section 17(1)(c), ak clañe Mayor enaj jako jen jea eo an ekkar ñan Section 17(2).

PART VI. – FINANCE

SECTION 27. Lorlorjake Tōbrak im Diwōjlok in jeen

1. Ejelok eowōj maroñ kōmmami, im ejelok kōlaplaplok in jeen, im ejelok jeen ko an local government maroñ kōjrbali, clañe rejjab melim iumin kakien.
2. Subsection (1) ejjab jelet jeen ko einwõt grant (loans ko jet) jen national government eo, bareinwõt jeen ko kōjrbali jen grant ko ñan wūn im weween ko rar diwōjtok kaki.
3. Ejelok jeen ko rej itok ñan local government eo, clañe ejjab melim kōn ordinance ekkar ñan Section 46(2) in Local Government Act eo an 1980, emaroñ kōllā ñan juōn fund ak account eo ej ejaak kōn juōn ordinance ak Financial Memoranda.

SECTION 28. Eddo ko an Executive Committee eo ikijieen jeen

1. Ej an Executive Committee eo eddo ñan kōmman proposals ko ñan Council ikijien aolep jermal ko rejelet budget, bareinwõt an Executive Committee eo eddo ñan kōmman kabilōk ko ñan lelōñ lelal eowōj ko im weween kōmman jeen, im ñan weween kōjrbal jeen ko an local government eo.
2. Executive Committee eo ej aikuj uwak ñan Council eo kōn aolepen jermal in jeen ko an local government eo im jabdewōt jermal in jeen im ekkar ñan kōjemooj ko an Council eo ak ra ko jet iumin Jemen E in, kien ko jet an national government eo, ak ordinance ko an local government ko.
3. Elañe ejjab jen kabilōk ak kwōn eo jen Executive Committee eo, kōn melim,

ak ilo etan Mayor eo, Council eo ejjab maroñ kōmman ak ellāik jabdewōt ordinance ak jabdewōt jermal ko būklōñtak jen member ro ijelokin Mayor eo ak uwan Executive eo elañe Ordinance ak jermal eo enaj, ekkar ñan kōlmenlokjen eo an uwan Council eo ej tōl:

- a. jolok ak ukot weween deloñtok in jeen ñan local government;
- b. kabōjrak ak kōmakitkit (einwōt ñan kadiklok) jen jikin ak muri; ak
- c. kōmman, ukukot ak jolok jabdewōt owōj, wōnen, muri, kōllā ak wōnen

kaje

SECTION 29. Budget im Kōjemooj ko

1. Executive Council eo enaj jake maantak ñan Council eo ilo kajojo iiō:
 - a. juōn budget eo ej ekkar ñan deloñtok im diwōjlok in jeen; im
 - b. juōn Ordinance in kōjemooj ñan kōmmane kōjemooj ko ñan diwōjlok in jeen, im emaroñ bar kōmmane Ordinance in kakobaba in jeen ko.
2. Ekkar ñan jabdewōt Local Government Administration Memoranda ko kōmmani iumin Section 46(1)(a) in Local Government Act eo an 1980 ikijieen rebeltan eiki ordinances im jabbedwōt Local Government Financil Memoranda ko eiki iumin Section 46(2) in Act in, Ordinance in Kōjemooj im Ordinance in Kakobaba in Kōjemooj rej aikuj in loor weween ko ilo Bill in Kōjemooj ko an Kien eo Iolap im Bill in Kakobaba Kōjemooj ko iumin Article VIII, Section 6 im 8 in Jemen E eo an Marshall Islands.
3. Ekkar ñan jabdewōt Local Government Administration Memoranda ko kōmmani iumin Section 46(2) in Local Government Act eo an 1980, juōn ordinance jen local government eo maroñ kōmman kakobaba ko, ekkar ñan principle eo an Article VIII Section 7 im 9 in Jemen E eo an Marshall Islands, ñan kōmman im ukokok makitkit in kōjermal jeen im fund ko ñan kōbetaklik.
4. Ejelok jabdewōt ilo Section in enaj kabōjrak kōjemooj ko ñan kajojo wūn ko bwe ren deloñ ilo juōn ordinance an local government ijelokin juōn Ordinance in Kōjemooj ak juōn Ordinance in Kakobaba Kōjemooj.
5. Kōjemooj ko rej jōmlok kūtier ilo jōmlokin juōn fiscal year reban jermal ñan ko jet elañe ejjab jijjōt wūn ko, ijelokin wōt an naj kōmman oktak ko kōn juōn ordinance an local government eo.

SECTION 30. Loans ko

Local government eo ejamin kōmman loans, kōmman muri ko nae deloñintok in jeen ko rej itokwōt, ak kōmelim jermal in kamuriri ko ikijieen deloñitokin jeen ko rej itokwōt ekkar ñan Section 50 in Local Government Act eo an 1980.

SECTION 31. Account ko

1. Executive Committee eo enaj lorlorjake juōn jermal in account eo ejimwe im record in aolepen deloñtok im diwōjlok in jeen ko an local government im eddo ko an local government eo.

2. Account ko raikuj jermal ekkar ñan:

a. jabdewōt Local Government Financial Memoranda ko kōmmani iumin Section 46(2) in Local Government Act eo an 1980;

b. ekkar memoranda kein, jabdewōt kabilōk ko jen Auditor-General eo; im

c. ekkar ñan memoranda kein, jabdewōt ordinance ko an local government eo.

3. Executive Committee eo ej aikuj ilo iien eo ekkar elikin jōmlokin juōn financial year, jake maantak imaan Council account ko ikijien aolepen deloñin im diwōjlok in jeen ko an local government koba ibben jabdewōt report in audit ko ekkar ñan Section 32.

SECTION 32. Audit (bōnbōn)

1. Ijelokin jermal in bōnbōn ko kōmlet iumin Section 40 in Local Government Act eo an 1980, Auditor-General eo ak juōn eo kōmelimi bwe jabdewōt iien en bwōne accounts im records ko an local government eo im jabdewōt account ko jake maantak ak naj jake maantak imaan Council eo ekkar ñan Section 31(3).

2. Auditor-General eo ak juōn eo kōmelimi naj report lok ñan Council ak Minister eo an Internal Affairs kōn jermal in bōnbōn ko im ilo report ko an naj kwalok elañe ewōr jermal ko rejjab jimwe im ekkar ilo account im records, ak ilo account eo elañe weween eo in.

3. Ñan wūn in jermal in bōnbōn einwōt kalikar iumin Section (1), Auditor-

General ak juōn eo kōmelimi ewōr aer jimwe im maroñ einwōt kōmlet ilo Article VIII, Section 15 in Jemen E eo an Marshall Islands.

SECTION 33. Financial Memoranda

Ekkar ñan Jemen E in, aolep armij ro ewōr aer eddo ilo financial administration eo an local government raikujin loor aolepen Local Government Financial Memoranda ko eiki iumin Section 46(2) in Local Government Act eo an 1980.

PART VII. - RIJERBAL

SECTION 34. Kilen Kanne Rijerbal

1. Mayor eo ilo etan local government eo ej jitōñ Clerk eo an local government eo im officers ro ak rijerbal ro ej kile ke emenin aikuj bwe en kōjerbal er ñan kōkōmanman makitkit ko an local government eo.

2. Local Government eo ej jikin jermal eo an Clerk eo im officers ro im rijerbal ro.

3. Actokan kitien im rebeltan jermal ko an Clerk eo, officers ro im rijerbal ro enaj ettōr ekkar ak iumin ordinance ko an local government eo, im clañe enaj ejelok ordinance rot in, kōn ukoktak ko, Kien eo Iolep emaroñ jitōñ ñan kanne jermal kein jen ro ilo Public Service eo einwōt rain:

- a. Chief Secretary ak juōn jeban Department maroñ kile einwōt juōn clerk; ak
- b. Public Service Commission eo maroñ kile einwōt Executive Committee eo.

SECTION 35. Kōmakit in jikin jermal ko ñan Public Servants

Ekkar ñan kwōn ko iumin Section 16(3) eo and Local Government Act eo an 1980, im ko kōmlet ilo jabdewōt local government ordinance ko, juōn member eo jen Public Service eo ej emakit ñan juōn local government ekkar ñan section in, naj kile einwōt juōn officer ñan local government eo ñan jabdewōt ordinance ko an local government eo ijelokinwōt juōn ordinance eo ej kwalok kōn kitien im rebeltan jermal ko an local government eo.

PART VIII. - KAKOBABA KO ÑAN JEMEN E EO

SECTION 36. Kilen kōmman Kakobaba

Jemen E in maroñ kōmman kakobaba ie jen majority in vote ko ilo juōn referendum in aolep ro remaroñ vote. Mokta jen jakemaanlok ñan ri vote ro, Mayor eo naj bōk jen Minister eo an Internal Affairs juōn report jen Attorney-General eo elañe kakobaba ko rekkar.

PART IX. - MELELE KO JABDEWŌT

SECTION 37. Kabilōk ko jen Kien eo Iolap ikijien Ordinance, im ko jet.

Elañe Minister eo an Internal Affairs ej kabilōk ke local government eo aikuj kōmman ordinance ko, kakobaba, ak bar jakemaantak, Mayor eo ej aikuj limaantak kabilōk kein imaan Council eo kobalok ibben melele ko jet jen Executive Committee eo ijikien.

SECTION 38. Kabilōk ko ikijien Kajimwe in Ordinance eo, im ko jet.

1. Mayor eo emaroñ, im emaroñ elañe kōmakit in Council eo, kajitōklok ibben Minister eo an Internal Affairs ikijien report eo an Attorney-General eo ikijien lōmnak ko an ikijien jabdewōt ordinance ak proposed ordinance ko an local government eo, ak jabdewōt kōmakit ak kōtebar in kōmakit ko an local government eo.

2. Elañe Minister eo enaj lilok report ko kajitōk kaki ekkar ñan Subsection (1), Mayor eo aikuj in limaantak imaan Council eo.

SECTION 39. Bellok ko

Jabdewōt kajimwe ko kōmmanin Council ak Executive Committee eo (ekkar ñan jabdewōt local government ordinance ko ak Kakien in jermal ko an Council) ak committee ko an Council, ejjamin jelete elañe ej jako uwan membership eo, toon wōt an quorum jikin bebe eo.

SECTION 40. Service ko


Jabdewōt pepa ak jermal ko ñan lorlorjaki, ak raikuj ilok ñan local government eo

ilo an bellok jea eo an Mayor, ilo an Mayor eo jako ak ejjab maroñ kōmmani jermal ko an; im ejelok en kar jitōn ekkar ñan Section 18, innem men kein maroñ etal ñan Clerk eo an local government eo.

SECTION 41. Raan eo bōk jikin

Jemen E in enaj bōk jikin ilo January 1, 2012

Proposed Jemen E ear errā jen Attorney-General eo ilo Sept 13 2011.


Frederick Canavor, Jr., Attorney-General